

Sopranos í Hafnarfirði



kl. 21

Síðustu tónleikar Múlans á þessu vori verða í kvöld. Andleg skelfing leikur með Ara Braga Kárasón í stafni. Með honum leika Óskar Guðjónsson, Daníel Friðrik Böðvarsson, Kjartan Valdemarsson og Einar Scheving. Flutt verður frumsamin tónlist. Jazzkjallarinn er á Café Cultura, Hverfisgötu 18, gegnt Þjóðleikhúsinu.

Þrjár söngkonur, þær Hörn Hrafnadóttir, Svana Berglind Karlsdóttir og Margrét Grétarsdóttir, hafa komið fram sem tríó Sopranos. Hafa tónleikar þeirra hlotið góðar viðtökur en markmið þeirra er að brúa bilið milli klassískrar tónlistar og dægurtónlistar og ná til stærri hóps. Á einniskrá þeirra eru óperettuáriur, söngleikjalög, klassísk dægurlög og svo algjör grínög þar sem þær fara „gjör-samlega yfir strikið og gerum stólpagrín að okkur“, segir Hörn. „Við syngjum í síðkjólum og erum ósparar á aukahlutna. Eignum þar meðal annars kórónur, herðaslár og fjaðralengjur sem krydda tónleikana.“ Þær hafa starfað saman frá 2004 og



TÓNLIST Sopranos-stúlkurnar flytja fjölbreytt efni.

er allar menntaðar söngkonur. Nú ætla þær að halda tónleika á Björtum dögum í Hafnarfirði og sá knái undirleikari Antonía Hevesi leikur undir á slaghörpunna. Tónleikarnir verða í Hafnarborg annað kvöld og hefjast kl. 20.

> Ekki missa af

Hjálum á Græna hattinum annað kvöld kl. 21. Þeir koma fram ásamt hinni unaðslegu Retro Stefson. Einnig munu nýkrýndir sigurvegarar hljómsveitakeppni AIM, Buxnaskjónar, koma fram á tónleikum. Viðburðurinn er liður í hinni árlegu AIM-hátíð sem nú stendur yfir.

menning

menning@frettabladid.is



BÓKMENNTIR Sigurbjörg Prastardóttir býður til stofu á Frostafold á sunnudag kl. 15. FRÉTTABLAÐIÐ/E.ÓL.

Í húsum skáldanna

Það fer hver að verða síðastur að ná sér í miða á hina miklu lestrarhátíð sem verður um helgina á heimilum ellefu skálda í nokkrum hverfum Reykjavíkur og í Garðabæ.

Tiltækið spratt upp hjá forráðamönnum Listahátíðar í Reykjavík sem seinni hluti af réttinum Heimsókn til listamanna en um síðustu helgi opnuðu tónlistarmenn upp á gátt fyrir gestum og gangandi gegn vægu verði.

Þetta nýnæmi, að listamenn hafi dagskrá á heimilum sínum, er ein nýstárlegasta viðbótin í flóru Listahátíðar en þar á bæ hafa menn í langan tíma reynt að sprengja hið hefðbundna form neyslu og lystar á list með því að færa atburði í dagskránni á nýja fundna staði: götur og torg hafa opnast sem vettvangur funda listamanna og njótenda. Nýstárlegir staðir, launkofar og yfirskyggðir staðir eru nú orðnir fastir liður á prógramminu. Menn spyrja sig hvað næst? Vinnustað-

ir, verksmíðjur, vitar, kirkjugarðar, leikvellir og íþróttahús. Og því ekki betristofur og vinnustofur listamanna?

Ellefumeningarnir sem ríða á vaðið og taka á móti lesendum sínum og gefa þeim innsýn í heim texta sinna næstum við hliðina á skrifborðinu, við stofugluggana, eru þau Kristín Helga Gunnarsdóttir, Linda Vilhjálmssdóttir, Þórarinn Eldjárn, Guðrún Mínerudóttir, Bragi Ólafsson, Einar Már Guðmundsson, Gerður Kristný, Þorsteinn frá Hamri, Sigurbjörg Prastardóttir, Sigurður Pálsson og Þórunn Erlu Valdímarsdóttir.

Dagskráin er dreifð yfir laugardag og sunnudag og er á ýmsum tímum. Greint er frá tíma- og staðsetningum hinna óvæntu funda á vef Listahátíðar: www.artfest.is og þaðan er skotleidd til miðakaupa. Ekki er getið um veitingar aðrar en orð og hlýlegt viðmót í tilkynningum Listahátíðar.

- pbb

ERRÓ – MYNDIR MANNNSINS

Á þessu ári eru tuttugu ár síðan Erró, Guðmundur Guðmundsson, færði Reykjavíkurborg hina glæsilegu listaverkagjöf sem nú er ein af uppistöðum safneignar Listasafns Reykjavíkur. Þessum tíma-mótum fagnar Listasafn Reykjavíkur með nýrri sýningu á verkum eftir Erró auk þess sem blásið verður til margra viðburða á árinu sem tengjast sýningunni.



ERRÓ Í dag er þess minnst á opnun í Listasafni Reykjavíkur að tuttugu ár eru liðin frá afhendingu hinnar stóru gjafar hans til safnsins. Í kvöld verður opnuð sýning, hin fyrsta af nokkrum, sem helguð er mannamyndum hans. MYND/ÚR EINKASAFNI

Listamaðurinn er kominn hingað heim og verður viðstaddur opnun sýningarinnar í kvöld kl. 18. Á sýningunni er lögð áhersla á mannlysingarmyndir listamannsins af þekktum einstaklingum, lífs eða liðnum, en hið kunna andlit hefur lengi verið virkur þáttur í hinum margbreytilega myndheimi Guðmundar.

Á sama tíma verður opnuð sýning á verkum íslenskra kvenna sem hlotið hafa viðurkenningu úr sjóði sem kenndur er við móðursystur Errós, Guðmundu S. Kristinsdóttur. Sjóðinn stofnaði Erró árið 1997 í minningu hennar með það að markmiði að veita árlega framlag til viðurkenningar og eflingar á listsköpun framúrskarandi listakvenna á Íslandi. Þær sem hafa hlotið viðurkenningu úr sjóðnum eru Ólöf Nordal, Finna Birna Steinsson, Katrín Sigurðardóttir, Gabriela Friðriksdóttir, Sara Björnsdóttir, Þóra Þórisdóttir, Guðrún Vera Hjartardóttir, Hekla Dögg Jónsdóttir og Hulda Stefánsdóttir. Við opnunina hlýtur tíundi verðlaunahafinn viðurkenningu og á einnig verk á sýningunni. Sýningin er á dagskrá

Listahátíðar í Reykjavík en sýningarstjóri er Yean Fee Quay.

Á sýningunni Erró – Mannlýsingar er lögð áhersla á svokölluð frásagnarportrett eða mannlysingar sem Erró hefur þróað í gegnum tíðina. Verkin eru af ýmsum heimþekktum einstaklingum á sviði stjórnmála, vísinda, bókmennta og lista og endurspeglar ímyndir og hugmyndir þeirra. Sýningin verður í tveimur sölum; annar sýningarsalurinn stendur óbreyttur til sumarloka 2010 en í hinum verður brugðið ljósi á ólík þemu úr smíðju listamannsins.

Hið fyrsta í þeirri sýningar-röð ber yfirskriftina Skrímsli og stendur til ágústloka, en svo koma Japönsk ástarbréf, Geimfarar, Konur frá N-Afríku og Dúkkur en allt eru það í grunninn myndaraðir sem hann vann og eru kunnar. Í skrímslamyndsyrrunni skeytir Erró saman konum stjórnmála,

lista, bókmennta, tónlistar, kvikmynda og vísinda annars vegar og hins vegar alls kyns furðuverum og afbrigðilegum fyrirbærum sem almennt eru skilgreind sem skrímsli.

Listfræðingurinn Danielle Kvaran er sýningarstjóri og ritstjóri nýrrar bókar sem kemur út í tengslum við sýninguna. Danielle var á síðasta ári ráðin verknefnisstjóri Errósafnsins og hefur skrifað bókina Erró í tímaröð. Líf hans og list, sem Edda gaf út 2007. Auk Danielle rita í bókina franskir og íslenskir fræðimenn, svo sem Halldór Guðmundsson, Laufey Helgadóttir, Sjón og Þorvaldur Þorsteinsson.

Bókin er gefin út af Opnu og Listasafni Reykjavíkur og er á íslensku og frönsku. Ekki tókst að koma bókinni út fyrir opnun sýningarinnar en hún er væntanleg í næstu viku. pbb@frettabladid.is

Lýðveldið við vatnið

Í Mývatnssveitinni eru konur að koma upp sýningu. Verkefnið er sjálfstætt framhald af samsýningu hópsins „Lýðveldið Ísland“ sem haldin var í Þróðvangi í Álafossvosinni árið 2004 og tileinkuð var sextíu ára afmæli íslenska lýðveldisins. Nú hafa aðstandendur hennar komið saman að nýju og valið verkum sínum stað í Hlöðunni, Reykjahlíð IV, og í forsal Reykjahlíðarkirkju við Mývatn. Sýninguna kalla þær Lýðveldið við vatnið og verður hún opnuð á laugardag kl. 15.

Hópin skipa Anna Jóa, Bryndís Jónsdóttir, Guðbjörg Lind Jónsdóttir, Hlíf Ásgrímsdóttir, Hildur Margrétardóttir, Kristín Geirsdóttir, Kristín Jónsdóttir frá Munkapverá og Ólöf Oddgeirsdóttir, sem allar eru virkar í myndsköpun og hafa hlotið bæði innlendar og erlendar viðurkenningar.

Sýningin við Mývatn er sú fyrsta af þremur samsýningum hópsins sem opnaðar verða í sumar undir yfirskriftinni „Lýðveldið“ og verða hinar tvær síðarnefndu auglýstar síðar en þær verða í Ólafsbaggga á Eyri við Ingólfsfjörð á Ströndum, og í hús-næði gömlu ullaerksmiðjunnar við Varmá í Álafossvosinni í Mosfellsbæ. Þessir staðir eru miklar náttúruperlur og listamönnum óþrjótandi uppspretta viðfangsefna.

Á öllum stöðunum er sérstök náttúruvegurð og minningarmörk sögu og menningar. Þar er geymd saga horfinna atvinnuhátta, sums staða standa verksmíðjubýggjngar sem auðar tóftir, annars



MYNDLIST Hann er ekkert slor staðurinn þar sem sýningarhalld Lýðveldishópsins hefst: Reykjahlíð við Mývatn. MYND/LÝÐVELDISHÓPURNIN

staðar hafa þær fengið nýtt hlutverk. Staðirnir eru að þessu leyti ákjósanlegur vettvangur til að staldra við á þeim tímamótum sem nýlega hafa orðið á Íslandi og hugleidda sjálfsmýnd lýðveldisins, fortíð þess og framtíð.

Sýningarverkefnið hefur hlotið styrk frá Hlaðvarpanum, menningarsjóði kvenna. Sýningin Lýðveldið við vatnið stendur til mánudagsins 1. júní 2009. Opnið er frá kl. 13-17. pbb@frettabladid.is



ÞJÓÐLEIKHÚSIÐ

Sími 551 1200 / midasala@leikhusid.is / www.leikhusid.is

Kardemommubærinn (Stóra sviðið)

Fös 29/5 kl. 18:00	U	Lau 6/6 kl. 14:00	U	Lau 13/6 kl. 17:00	U
Lau 30/5 kl. 14:00	U	Lau 6/6 kl. 17:00	U	Sun 14/6 kl. 14:00	U
Lau 30/5 kl. 17:00	U	Sun 7/6 kl. 14:00	U	Sun 14/6 kl. 17:00	U
Fim 4/6 kl. 18:00	U	Sun 7/6 kl. 17:00	U	Sun 30/8 kl. 14:00	U
Fös 5/6 kl. 18:00	U	Lau 13/6 kl. 14:00	U	Sun 30/8 kl. 17:00	U

Frida... viva la vida (Stóra sviðið)

Fös 11/9 kl. 20:00	Frumsýn.	Lau 19/9 kl. 20:00	4. sýn.	Fös 2/10 kl. 20:00	7. sýn.
Lau 12/9 kl. 20:00	2. sýn.	Fös 25/9 kl. 20:00	5. sýn.	Lau 3/10 kl. 20:00	8. sýn.
Fös 18/9 kl. 20:00	3. sýn.	Lau 26/9 kl. 20:00	6. sýn.		

Vínland - athyglisverðasta áhugaleiksýningin o8/09 (Stóra sviðið)

Fös 12/6 kl. 20:00

Aðeins ein sýning, tryggjið ykkur sæti í tíma

Dreams 2009 - alþjóðleg döff leiklistarhátíð (Kassinn)

Fim 28/5 kl. 20:00 | Fös 29/5 kl. 20:00 | Lau 30/5 kl. 20:00

Í samstarfi við Draumasmíðjuna

Ó, þú aftur - afmælissýning leikhópsins Hugleiks (Smíðaverkstæðið)

Fim 28/5 kl. 20:00 | Fös 29/5 kl. 20:00

Snarpt sýningatímabil - miðaverð aðeins 1.500 kr.